



**Protocol dalla radunonza generala dil
CHOR SURSELVA
dumengia, ils 30 da settember 2007 allas 20.00 en casa parvenda a Glion**

Tractandas:

1. Beinvegni
2. Appel ed elecziun da dus dumbravuschs
3. Revisiun dallas statutas
4. Protocol
5. Rapport annual dil president
6. Rapport annual dil dirigent
7. Rendaquen, rapport dils revisurs ed approbaziun dil quen annual
8. Recepziun da novas commembras e novs commembers / Demissiuns
9. Presentaziun e decisiun da nies Chor Futur
10. Varia

1. Beinvegni

Il president Tarcisi Cavigelli fa in cordial beinvegni als presents tier la radunonza generala hodierna. La radunonza vegn tenida sco usitau per romontsch.

En vesta alla decisiun "chor futur" ei la gliesta da tractandas per la radunonza generala dad oz vegnida adattada è correspunda bu allas statutas dal chor. Alla gliesta da tractandas vegn questa sera denton aunc aschuntau la tractanda 10. Elecziuns.

2. Appel ed elecziun da dus dumbravuschs

Ina gliesta d' appel sco era tala cun las adressas cursescha per s' inscriber e per aschuntar correcturas ni midadas d'adresa. Tenor quella gliesta ein 37 cantadurAs ed il dirigent Rest Tuor presents. Perstgisau per questa sera han: Giusep Blumenthal, David e Doris Giger, Michel Maissen e Pascal Fluri.

Sco dumbravuschs vegnan Torino e Manuel proponi ed elegi.

3. Revisiun dallas statutas

Naginas midadas

4. Protocol

Il protocol dalla radunonza generala 2006 ei vegnius publicaus sin nossa pagina d' internet, aschia ch' ins ha saviu prender investa leu dad el. Ei dat neginas menziuns tier quei protocol. Cun in grond engraziamnet alla Lucrezia Berther vegn el approbaus unanimamein.

5. Rapport annual dil president

Nies president Tarcisi selegra d' astgar presentar als presents il curriu e passau duront igl onn da cant 2007. El resumescha ils puncts principals e las occurrenz sco suonda:

- excursiun cun fondue e scursalada a Triel
- lotto usitau a Glion
- cantar messa a Glion cun sustegn dall'organista Annemaria Schlosser
- participaziun alla fiasta da cant districtuala a Domat
- Forza Surselva

Tut en tut hagien nus giu in stregn onn da cant e quei ton per ils commembers sco era per la suprastonza. Engraziont per l'attenziun siara il president siu rapport. La radunonza engrazia cun in cauld applaus.

6. Rapport annual dil dirigent

Il dirigent Rest mira anavos sin in onn da cant stregn e productiv.

Fiasta da cant districtuala a Domat:

El hagi aunc mai fatg cun in chor aschi paucas emprovas per ina fiasta da cant e survegniu in "excellent" per la preschtaziun.

Il rapport dals experts ei aschuntaus sco document.



Messa a Glion:

Igl ei stau in bi survetg divin a Glion che nus vein astgau embelir cun la messa da Gion Balzer ensemen cun l'organista Annemaria Schlosser.

Forza Surselva:

Il project Forza Surselva ei staus per tuts participonts fetg intensivs. Igl ei bu mo stau da cantar ed emprender text mobein era da far teater ed enqual sera d'emprova a Schischiu ei bu mo stada liunga ed intensiva mo era cun temperaturas pauc emperneivlas.



Aschilunsch il rapport annual da nies dirigent, il qual el terminescha cun engraziar a mintgin per siu engaschi. Tarcisi engrazia al Rest per siu rapport e sia gronda lavur duront igl onn vargau. La radunonza engrazia cun applaus.

7. Rendaquen, rapport dils revisurs ed approbaziun dil quen annual

La cassiera Barbara De Giorgi presenta il quen annual 2007 positiv e delucidescha detagliadamein las differentas posiziuns. Barbara sa rapportar dad entradas da CHF 23'943.65, dad expensas da CHF 17'730.30 e dad in gudogn da CHF.6'213.35. La facultad dil chor: CHF 64'423.25.

Roland Vincenz rapporta da vart dils revisurs, ils quals han constatau ch' il quen ei menaus exemplaricamein, aschia ch' els proponan dad approbar il quen 2007 e da dar scarica alla cassiera ed alla suprastonza. Quei succeda unanimamein.

Roland fa aunc attents sin in per cefras che nus vein gest udiu da nossa cassiera.

Entradas Lotto: CHF 13'000.- . Quei seigi bein ina biala summa per ina sera lavur, denton seigi bu d'emblidar che quei Lotto munti per entgins dils commembers in bien ton lavur da preparaziun, rimnar premis, lavur da reclama eav.

Entradas Forza Surselva CHF 3'000.-/Paga dal dirigent CHF 8'000. Sch'ins meri sin quellas duas cefras stoppiens dir ch'il Chor Surselva hagi purtau daners si Schischiu. Bu cumpriu tuttas spensas che mintga cantadurA ha giu.

Tarcisi engrazia alla cassiera Barbara ed als revisurs Michel Maissen e Roland Vincenz per lur lavur.

8. Recepziun da novas commembras e novs commembers / Demissiuns

Novs commembers

Lucas Cavegn

Demissiuns:

Giusep Blumenthal

Hugo Schär

Tarcisi Cavigelli (sco commember e sco president)

Barbara DeGiorgi (sco cassiera)

9. Presentaziun e decisiun da nies Chor Futur

Las trais propostas vegnan aunc inagada presentadas. I suonda ina discussiun animada da tuts presents e punctuau il quitau sco ei duei ir vinavon organisatoricamein denton era il grond plascher da cantar el chor.



Ei vegn votau giu:

Varianta 1 "Schliar si il chor": Quella proposta vegn refusada unanimamein cun 37 vuschs

Varianta 2 "Chor da project": Quella proposta vegn approvada cun 34 vuschs

Varianta 3 "Rude da chant": Quella proposta survegn naginas vuschs

Ina decisiun clara ch'il Chor Surselva duei daventar in chor da project.

Ulteriur proceder:

La suprastanza actuala segida en quei temps transitoric cun l'organisaziun dat ina nova suprastanza/commité d'organisaziun e cun la surdata dallas lavurs. La suprastanza fa denton attenta che mintga commember sto/astga vegnir in tec pli activs e segidar, seigi quei cun far reclama per il chor, recaltgar novs commembers, proponer ideas e surprender ina u l'autra lavur ni incumbensa (tut tenor saver e puder).

Ei vegn fixau in termin per sentupar, organisar e fuormar il chor: **4-11-2007, 19.00 en casa pervenda a Glion**

Lucrezia Berther propona d'orientar ils mieds da massa davart la decisiun da questa sera.

10. Elecziuns

Questa sera dat ei naginas elecziuns. La suprastanza actuala stat a disposiziun transitoricamein entochen che la nova organisaziun ei fuormada.

11. Varia

- Tarcisi reparta a mintga commember ina CD dallas duas canzuns che nus vein cantau a caschun dalla fiasta da cant a Domat
- Tarcisi fa aunc inagada attends che propostas / ideas per divertiment eav. ein adina beinvegnidas.
- Tarcisi engrazia als commembers dalla suprastanza e dalla cummissiun da musica per lur lavur e surdad in fotografia dalla fiasta da cant da Domat
- Rest propona per igl onn transitoric il suadont project:
L'auter onn festivescha Gion Balzer Casanova siu 70avel anniversari. Sco regal registrass Rest bugen la messa ed era autras canzuns da Gion Balzer sin CD. Naturalmein dess ei era dar in concert da giubileum.
Quei sco project transitoric ensemen cun il chor da Laax, ch'ei il chor da casa da Gion Balzer.



- Tarcisi procura che las fotos da Breil vegnan publicadas sigl internet e per carnets da cantar per ils novs commembers.
- Il protocol da questa radunonza vegn publicaus sin la pagina d' internet.

Cun in grond engraziament als consuprastonts per lur grond engaschi, in engraziel fetg al dirigent, als vicedirigents, alla cumissiun da musica, allas cantaduras ed als cantadurs siara il president la radunonza generala hodierna.

Fin dalla radunonza: allas 22.20

Per il protocol:

Claudine Cavegn

Cuera, ils 2 d'october 2007